

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA**

**Broj: T04 0 KTPO 0055798 23
Zenica, 26.04.2024. godine**

**OPĆINSKOM SUDU U ZENICI
- Sudiji za prethodno saslušanje -
ZENICA**

Na osnovu člana 45. stav 2. tačke i. i člana 241. stav 1. ZKP-a F BiH, p o d i ž e m

O P T U Ź N I C U

Protiv,

1. **F. S.**, neosuđivana,
2. **N. S.**, osuđivan;
3. **S. S.**, neosuđivan,
4. **H. DŽ.**, osuđivan,

Što su:

U toku 2020., 2021. i 2022. godine u Zenici, prilikom podnošenja zahtjeva za kredit za poljoprivrednu namjenu u „...“ d.o.o. Sarajevo, Podružnica Zenica, s ciljem da za sebe pribave kredit, davatelju kredita svjesno dali neistinite podatke o sebi značajne za dobijanje kredita, a što su i htjeli, tako što su uz zahtjev za kredit priložili foto-kopije dokumentacije za koju su znali da je lažna, i to:

- **F. S.**, uz Zahtjev za kredit od 03.03.2020. godine uložila krivotvorenu neovjerenu fotokopiju Ugovora o kooperaciji u proizvodnji i otkupu svježeg voća navodno zaključenog sa firmom ”...“ d.o.o. PJ Zenica broj ... od 01.04.2019. godine,
- **N. S.**, uz Zahtjev za kredit broj od 05.01.2021. godine uložio krivotvorenu neovjerenu fotokopiju Ugovora o kooperaciji u proizvodnji i otkupu svježeg voća navodno zaključenog sa firmom ”...” d.o.o. PJ Zenica broj ... od 12.10.2019. godine,
- **S. S.**, uz Zahtjev za kredit broj od 01.02.2022. godine uložio lažnu ispravu: neovjerenu fotokopiju Potvrde o upisu u registar gazdinstava, navodno izdate od Službe za privredu i upravljanje razvojem Grada Zenice ... od 19.01.2022. godine,

- **H. Dž.**, uz Zahtjev za kredit broj ...od 03.03.2022. godine uložio lažnu ispravu: neovjerenu fotokopiju Potvrde o upisu u registar gazdinstava, navodno izdatu od Službe za privredu i upravljanje razvojem Grada Zenice broj od 22.10.2021. godine,

a koja dokumentacija je bila uvjet za dobijanje kredita, iako su znali da nikada nisu bili kooperanti ovih firmi, niti da su bili upisani u registar gazdinstava Grada Zenice, nakon čega su im na osnovu ovih lažnih podataka isplaćeni novčani iznosi odobrenih kredita i to:

- F. S. dana 03.03.2020. godine u iznosu od 20.000,00 KM,
- N.S.dana 05.01.2021. godine u iznosu od 20.000,00 KM,
- S. S. dana 01.02.2022. godine u iznosu od 20.000,00 KM,
- H. Dž. dana 04.03.2022. godine u iznosu od 30.000,00 KM,

čime je svako zasebno počinio krivično djelo „Obmana pri dobijanju kredita ili drugih pogodnosti“ iz člana 268. stav 2. u vezi sa stavom 1. KZ F BiH.